



Bilten Saveza općina i gradova Federacije Bosne i Hercegovine



Godina: XVIII

Datum: 23.04.2021.

Broj: 273

USLUGE SAVEZA:

• PRAVNO SAVJETOVALIŠTE:

Selma Fišek, viši saradnik za pravna pitanja

selma@sogfbih.ba

• FINANSIJSKO SAVJETOVALIŠTE:

Gregor Jurišić, viši suradnik za financijska pitanja

gregor.juriscic@sogfbih.ba

KORISNI LINKOVI ZA FONDOVE EU:

www.southeast-europe.net

www.adriaticinnovationmap.eu

www.adrioninterreg.eu

www.europa.ba

www.cbibplus.eu

www.cbc.bih-mne.org

www.srb-bih.org

www.interreg-hr-ba-me2014-2020.eu

www.programmed.eu

<https://tacso.eu/>

<https://euinfo.ba/en/>

www.balkanfund.org

<https://eacea.ec.europa.eu>

www.welcomeurope.com

ADRESA:

Musala br.5/1

71000 Sarajevo

Telefon: +387 33 216 502,

209 024, 209 120

fax: +387 33 552 810, 216 502

savez@sogfbih.ba

ODRŽAN SASTANKA SA SEKRETAROM PREDSTAVNIČKOG DOMA PARLAMENTA FBiH



Danas, 09.03.2021. godine, u zgradi Parlamenta Federacije BiH održan je radni sastanak kojem su prisustvovali Ivan Miličević, sekretar Predstavničkog doma Parlamenta Federacije BiH, Adela Kulaš, šef Kabineta predsjedavajućeg PD, te stručna saradnica za pripremu sjednica Sanela Mujčinović Ibrica, i Vesna

Travljanin, direktorica Saveza općina i gradova FBiH sa saradnicima.


Direktorica Travljanin je ovom prilikom informisala sekretara PD Parlamenta FBiH o ulozi i značaju Saveza kao i o najvažnijim aktivnostima na polju zakonskih propisa u koje je Savez uključen, posebno navodeći Nacrt Zakona o građevinskom zemljištu FBiH. Također je istakla da je potrebno i dalje unapređivati dosadašnju dobru saradnju Saveza sa PD Parlamenta FBiH i sa Komisijom za lokalnu samoupravu.

Naglašeno je da su Savez i PD Parlamenta FBiH potpisali Sporazum o saradnji 2019. godine kojim su definisani načini i modeli saradnje.

Sekretar PD Parlamenta FBiH je pokazao spremnost za nastavak dobre saradnje sa Savezom.

ODRŽANA ČETVRTA RADIONICA „ELEMENTI ZA BUDUĆU SARADNJU“

U saradnji sa Centrom za ekspertizu pri Vijeću Evrope, Savez općina i gradova Federacije BiH i Savez opština i gradova Republike Srpske su organizirali četvrtu radionicu „Elementi za buduću saradnju“, koja je održana 26.03.2021. godine putem zoom platforme.




Na današnjoj radionici su prezentirani rezultati upitnika dostavljenih iz jedinica lokalne samouprave u kojim su dati odgovori na pitanja koji su to prioriteti i prepreke općinama i gradovima za buduće aktivnosti u sklopu prekogranične saradnje.

Predstavnici jedinica lokalne samouprave su danas imali priliku da kroz rad u radnim grupama definišu buduće korake i aktivnosti za uspostavu i razvoj prekogranične saradnje kroz teme: turizam, ekonomija, biznis i vještine i okoliš.

Svrha radionice bila je razvoj šireg razumijevanja kompleksnosti i procesa prekogranične saradnje u sklopu alata i standarda Vijeća Evrope uz naglašavanje važnosti prekogranične saradnje i liderstva, ali i utvrđivanje narednih koraka i ideja za finansiranje i podršku implementaciji prekograničnih inicijativa.

*Svrha radionice bila je
razvoj šireg
razumijevanja
kompleksnosti i procesa
prekogranične saradnje u
sklopu alata i standarda
Vijeća Evrope*

GODIŠNJI SASTANAK PROJEKTA "JAČANJE SAVEZA OPŠTINA/OPĆINA I GRADOVA U BIH"



Sastanku na kojem se razgovaralo o uspjesima, ali i problemima sa kojima su se suočili savezi tokom 2020. godine održan je 22.04.2021. u online formi.

Tema sastanka su bile i buduće aktivnosti saveza. Direktorica Saveza, Vesna Travljanin je izvijestila prisutne o konkretnim uspjesima u oblasti lobiranja i zastupanja i pružanju usluga članicama, ali i poteškoćama u provedbi aktivnosti.



Projekat „Jačanje uloge saveza općina i gradova u BiH“ je finansiran od strane vlada Kraljevine Švedske i Švicarske, a implementira ga Savez općina i gradova FBiH u saradnji sa Savezom opština i gradova RS i Švedskim savezom lokalnih i regionalnih vlasti (SALAR).

ZAPOČELA NOVA FAZA REGIONALNOG PROGRAMA LOKALNE DEMOKRATIJE NA ZAPADNOM BALKANU 2 (ReLOaD2)

Regionalni program lokalne demokratije na Zapadnom Balkanu (ReLOaD) tokom skoro četiri godine provedbe (2017-2020.) aktivno je sarađivao sa 21 jedinicom lokalne samouprave u Bosni i Hercegovini, od toga 11 iz FBiH. Kroz projekat radilo se na jačanju njihovih kapaciteta i uvođenju procedura za transparentno upravljanje i dodjelu javnih sredstava organizacijama civilnog društva (OCD). Projekat ReLOaD je također intenzivno sarađivao sa OCD-ima, jačajući njihove kapacitete. Kako je ReLOaD regionalni program u koji je uključeno 6 zemalja (Albanija, Bosna i Hercegovina, Kosovo, sjeverna Makedonija, Crna Gora i Srbija) uspostavljena je i međuregionalna platforma za razmjenu koncepata, znanja i iskustava između različitih zainteresiranih strana i ciljnih grupa u cijeloj regiji.

U realizaciju projekta ReLOaD Savez općina i gradova Federacije Bosne i Hercegovine je bio uključen 3 godine (15.11.2017 – 30.11.2020.) i u tom periodu radio je na sljedećem:

- Obuke za općinske vijećnike i uposlenike na teme: "Transparentnost u finansiranju OCD" i "Uključenost građana u procese donošenja odluka";
- Promociju LOD metodologije među JLS koje nisu u ReLOaD projektu;
- Izrada studije "Potencijalni oblici poboljšanja saradnje između JLS i OCD kroz korištenje ITC rješenja";
- Identifikacija najboljih primjera i prakse saradnje između JLS i OCD iz dvije oblasti: Transparentno finansiranje OCD iz budžeta JLS i Uključivanje građana i OCD u procese donošenja odluka na lokalnom nivou.

ReLOaD
Regionalni program lokalne
demokratije na Zapadnom Balkanu

Druga faza ovog projekta - **ReLOaD2** započeo je 1.01.2021. i trajat će četiri godine. Cilj druge faze projekta je jačanje partnerstva između lokalnih vlasti i civilnog društva na zapadnom Balkanu povećanjem transparentnosti u finansiranju OCD-a iz budžeta lokalnih vlasti te promociju učešća mladih i učešća građana u donošenju odluka i razvoju zajednice.



Ciljne grupe su:

- Lokalne vlasti u regiji zapadnog Balkana
- OCD-i u regiji zapadnog Balkana
- Mladi u regiji zapadnog Balkana

Projekat uključuje finansijsku pomoć u obliku grantova dodijeljenih putem otvorenih javnih poziva za podnošenje prijedloga projekata i namijenjenih isključivo OCD-ima, a koje raspisuje partnerske JLS.

Kao i ranije faze ovog projekta, ReLOaD2 provodi UNDP a finansira Evropska unija.

Savez općina i gradova FBiH, kao i Savez opština i gradova RS-a uzeće učešće u provedbi projekta kao partner UNDPu, sa trajanjem od cca 2 godine.

JAVNI POZIV OPĆINSKIM I GRADSKIM UPRAVAMA U BOSNI I HERCEGOVINI ZA PRIJAVU UČEŠĆA U PROGRAMU OBUKE ZA ČLANOVE/ČLANICE KOMISIJA/ ODBORA ZA RAVNOPRAVNOST SPOLOVA

Udruženje građana „Nešto Više“, u partnerstvu sa organizacijom Amica Educa i Gender centrom Vlade FBiH i Gender centrom Vlade RS, raspisuje Javni poziv za općinske i gradske uprave u sklopu projekata „Razvoj programa obuke za članove opštinskih/gradskih komisija za ravnopravnost spolova u Bosni i Hercegovini“.



Cilj projekta je jačanje uloge i položaja žena u političkim, socijalnim i ekonomskim procesima, te podrška lokalnim partnerstvima u uspostavljanju efikasnih mehanizama za ravnopravnost spolova u lokalnim zajednicama u BiH. Učešće žena u dizajniranju i razvoju politika pokazatelj je demokratizacije institucionalnih mehanizama i promocije socijalnog položaja žene kao ključne kategorije koja ima ideje, kreativnost, raznolikost i razvojni potencijal.

Javni poziv se odnosi na prijavu za učešće u programu obuke članova/ica komisija za ravnopravnost spolova na lokalnom nivou, sa ciljem osnaživanja njihovih ličnih znanja i vještina, a u svrhu efikasnijeg rada navedenih komisija.

Kroz implementaciju projekta u 20 lokalnih zajednica (10 u FBiH i 10 u RS), članovi/ice općinskih i gradskih komisija za ravnopravnost spolova proći će edukaciju (6 tematskih treninga/radionica) na početku svog četvorogodišnjeg mandata o temama vezanim za sve aspekte rodne ravnopravnosti. Realizacijom aktivnosti radit će se na jačanju međusektorske saradnje, te članovi/ice komisija će biti u mogućnosti da proaktivnije pristupe rješavanju problema.

U saradnji sa lokalnim organizacijama civilnog društva, 20 općina i gradova u BiH, učesnica na projektu, imat će priliku upravljati bespovratnim sredstvima koje dodjeljuje EU, a uz pomoć i mentorstvo projektnog tima razvit će svoje upravljačke vještine u ovom polju. Projekti koji će imati prioritet jesu oni čije aktivnosti se odnose na borbu protiv svih oblika nasilja nad djevojkama i ženama. Fokus će biti na organizacijama koje se zalažu za osnaživanje žena, uključujući i druge zainteresovane organizacije, javni i poslovni sektor.

U skladu sa gore navedenim, pozivaju se sve zainteresovane općine i gradske uprave da do ponedjeljka, 18.05.2021. u 16:00h popune prijavni obrazac koji se nalazi na linku:

<https://forms.gle/KU951dwmQciSH2TZA>

Rezultati Javnog poziva će se objaviti dana 21.05.2021. godine i odabrane lokalne zajednice će biti direktno kontaktirane.

U saradnji sa lokalnim organizacijama civilnog društva, 20 općina i gradova u BiH imat će priliku upravljati bespovratnim sredstvima koje dodjeljuje EU

OBUKA NA TEMU "PROGRAMI TERITORIJALNE SARADNJE"

Direkcija za evropske integracije obaviještava o održavanju webinar na temu „Programi teritorijalne saradnje“.

Obuka će obuhvatiti oblasti transnacionalne saradnje i programe prekogranične saradnje.

Programi teritorijalne saradnje su instrument EU kojima ona podržava saradnju preko granica država finansiranjem projekata. Cilj programa je suočavanje sa zajedničkim problemima i pronalaženje zajedničkih rješenja u oblastima kao što su zdravstvo, preduzetništvo, inovacije, saobraćaj, održiva energija, okoliš, turizam, itd. u programskom području. Saradnja (međudržavna, prekogranična, regionalna) ne samo da je temeljna vrijednost EU, već i način na koji je izazove država članica ali i aspirantica moguće savladati u sadejstvu i uz finansijsku podršku za to predviđenih fondova EU. U kontekstu BiH, programi teritorijalne saradnje su praktični primjer poboljšanja svakodnevica koja nerijetko dotiče običnog čovjeka i koja u relativno kratkom razdoblju pravi pozitivnu razliku. Oni su opipljivi i mjerljivi pokazatelj integracije u EU i imaju snažnu motivirajuću dimenziju.

Obuka će se održati 07.05.2021. godine, a rok za prijavu 04.05.2021. godine.

Za više informacija pogledati sljedeći link <https://bit.ly/3xhqMZF>



SMART CITY RJEŠENJA MOGUĆA SU U STAROM GRADU: NAČELNIK HADŽIBAJRIĆ PRISUSTVOVAO PREZENTACIJI PROJEKATA ENERGOINVESTA



Pametna rasvjeta, senzori za otpad, pametni parkinzi, brojači saobraćaja i ljudi, mjerači zagađenosti zraka... sve su to nova, inovativna rješenja koja su osmislili mladi inženjeri kompanije Energoinvest d.o.o. a koja su predstavljena općinskom načelniku mr Ibrahimu Hadžibajriću kao moguća rješenja za Stari Grad. Presentacija Smart City ideja održana je u prostorijama ove kompanije gdje je načelnika Hadžibajrića ugostila direktorica Energoinvesta Bisera Hadžialjević koja je kazala da je Energoinvest uveo ovu praksu kako bi lokalnim zajednicama pokazali



mogućnosti uvođenja nove tehnologije Smart City i rješenja koja bi doprinijela razvoju općina.

Nakon obilaska Show Rooma u kojem su pokazana konkretna rješenja pametne javne rasvjete i mjerača zagađenosti zraka, održana je prezentacija u Blum Labu, mjestu gdje je Energoinvest razvio pametna rješenja i gdje veliki broj mladih inženjera kontinuirano radi na novim, inovativnim idejama. Blum Lab je Energoinvest pokrenuo prije nekoliko godina, a riječ je o laboratoriji koja predstavlja kombinaciju informatičke, tehnološke i edukativne radionice. Nazvana je po osnivaču i prvom direktoru Energoinvesta, kasnije i gradonačelniku Sarajeva Emeriku Blumu.

Mlada inženjerka Ajša Hadžić predstavila je sadržaje i način rada Blum Laba, između ostalog pokazavši pametno rješenje na kojem upravo rade, a riječ je o interaktivnom znaku (putokazu) koji će uskoro biti postavljen u Starom Gradu i ponuditi će građanima i turistima mogućnost da otkriju u kojem smjeru se nalazi određena turistička znamenitost ili drugi sadržaj. Ovaj znak će na upit pokazivati smjer u kojem treba ići jer ima mogućnost okretanja za 360 stepeni.

Nakon veoma zanimljive prezentacije i upoznavanja sa Smart City rješenjima, načelnik Hadžibajrić kazao je da će odmah reagovati, te će se Služba za lokalni razvoj i poslove mjesnih zajednica povezati sa inženjerima Energoinvesta kako bi našli najbolja rješenja za općinu Stari Grad.

Posjeti Energoinvestu i prezentaciji Smart City inicijative prisustvovao je i predsjedavajući Općinskog vijeća Stari Grad dr.sc. Mirza Batalović, te pomoćnica načelnika za lokalni razvoj i poslove mjesnih zajednica Selma Velić.

Služba za lokalni razvoj i poslove mjesnih zajednica Općine Stari Grad povezaće se sa inženjerima Energoinvesta kako bi našli najbolja smart rješenja za općinu Stari Grad.

NOVČANI DAR OPĆINE JAJCE ZA SVAKU NOVOROĐENU BEBU



Grb Općine Jajce

Ovaj značajan projekat Općina Jajce implementira već šestu godinu i izdvaja sredstva za svaku novorođenu bebu. Sigurni smo da se sa ovakvim projektom ne može pohvaliti baš mnogo sredina u našoj zemlji, javljaju iz Kabineta Općinskog načelnika Općine Jajce.

Jednokratna novčana naknada odnosi se, bez izuzetka, na sve novorođene bebe čija majka ima prebivalište na području Jajca, a Općina Jajce je, kroz ovu aktivnost, obradovala roditelje darujući 878 novorođenčadi.

U svrhu podrške novorođenim bebama, Općina Jajce je, iz Općinskog budžeta, kao jednokratna pomoć porodicama, izdvojila ukupno 469.700,00 KM.

Do kraja 2019. godine novčani dar za svaku novorođenu bebu iznosio je 500,00 KM, a od 2020. godine, ova stimulacija za višečlane porodice je uvećana, pa tako prvo dijete Općina Jajce daruje sa 500,00 KM, drugo sa 700,00 KM, a treće i svako naredno sa po 1.000,00 KM.

Aktivnost darovanja novorođenih beba nastavljena je i u 2021. godini, a u prva tri mjeseca ove godina rođeno je 39 jajačkih dječaka i djevojčica.

NAJAVA OBILJEŽAVANJA DANA OPĆINA / GRADOVA ZA MJESEC MAJ / SVIBANJ



02. maj/svibanj - Dan Općine Centar Sarajevo. Na ovaj dan, 1992. godine dešavale su se presudne bitke za odbranu Predsjedništva RBiH.

02. maj/svibanj - Dan Općine Stari Grad. Na ovaj dan, 1992. godine dešavale su se presudne bitke za odbranu Starog Grada i Sarajeva, kao što su borba za kasarnu Druge armijske oblasti, presijecanje kolone motornih vozila u Dobrovoljačkoj ulici, odbrana zgrade Predsjedništva i oslobađanje predsjednika Predsjedništva BiH Alije Izetbegovića.



08. maj/svibanj - Dan Općine Kladanj i dan formiranja Teritorijalne odbrane 1992. godine.

15. maj/svibanj - Dan Općine Usora.

16. maj/svibanj - Dan Općine Novo Sarajevo. Na ovaj dan, 1992. godine desila se presudna „Pofalička bitka“, kojom je agresoru onemogućeno da podijeli Sarajevo.



20. maj/svibanj - Dan Općine Bugojno. Na ovaj datum 1886. godine prvi put zasjeda Gradsko vijeće Bugojna, što predstavlja i prvi oblik parlamentarizma, demokratije i političkog djelovanja kroz državne institucije vlasti. Inače, Bugojno kao selo prvi put se spominje 1574. godine.

23. maj/svibanj - Dan Općine Kalesija. Na ovaj dan 1992. godine jedinice Armije BiH oslobodile su uže područje Kalesije čime je postala prvi oslobođeni grad u BiH.



24. maj/svibanj - Dan Općine Čitluk. Na taj dan 1306. godine Čitluk, odnosno Brotnjo, prvi put se spominje u trgovačkim odnosima s Dubrovnikom.

25. maj/svibanj - Dan Općine Bosanski Petrovac.



OBAVIJEST ZA ČLANICE - AKTIVNO UČEŠĆE ČLANICA SAVEZA OPĆINA I GRADOVA FBiH KROZ RAD U ORGANIMA I TIJELIMA SAVEZA U PRELAZNOM PERIODU DO ODRŽAVANJA IZBORNE SKUPŠTINE



Stručna služba Saveza je u procesu održavanja sastanaka na nivou kantona/županija na kojima predstavnici jedinica lokalne samouprave predlažu kandidate za organe i tijela Saveza. Međutim, zbog aktuelne epidemiološke situacije u mnogim kantonima/županijama trenutno se ovi sastanci ne mogu održati, tako da su prolongirali. S obzirom na to da je viša sila u pitanju, datum za održavanje Izborne skupštine Saveza općina i gradova Federacije BiH se još uvijek ne može zakazati.

Stručna služba Saveza će uložiti napore da se Izborna skupština što prije održi. Do tada, po odredbama Statuta Saveza općina i gradova FBiH, postojeći članovi organa i tijela Saveza će obavljati svoju dužnost.

Sve jedinice lokalne samouprave u Federaciji BiH su članice Saveza općina i gradova FBiH i svaka od njih je uključena u rad Saveza kroz aktivnosti i kroz učešće u organima i tijelima Saveza općina i gradova FBiH. Svojim doprinosom i zalaganjem zajedno pospješujemo položaj lokalne samouprave u našoj zemlji.

Stručna služba Saveza općina i gradova Federacije BiH nastavlja sa aktivnostima i doprinosom da svim uposlenicima u općinama i gradovima na čelu sa njihovim načelnicima/gradonačelnicima pruži maksimalnu podršku i bude na usluzi, a sve za razvoj i bolji status jedinica lokalne samouprave.

Zahvaljujemo se na mail-ovima podrške iz općina i gradova. Zadovoljstvo je i nama sarađivati sa našim članicama i zajedničkim doprinosom razvijati položaj jedinica lokalne samouprave kako bi iste što bolje pružale usluge svojim građanima.

Poštovana
Hvala na obavijesti,
Na raspolaganju smo i dat ćemo podršku
provođenju unutrašnjeg izbornog
procesa i radu radnih tijela Saveza.

Općina Tešanj
Općinski načelnik
mr.sc. Suad Huskić

Na raspolaganju!
Srećko Mikulić

Postovani,

Sa zadovoljstvom i bez ikakvih uslova
prihvatam nastavak rada u Komisiji za izbor i
imenovanja i nadam se da ce moj doprinos biti
od koristi za prevazilazenje situacije koja je
citav svijet bacila na koljena.

Saradnja sa predstavnicima Saveza, koji su
zasigurno medju najvećim profesionalcima i
najodgovornijim ljudima sa kojima saradjujem,
posebno je zadovoljstvo, tako da je moja
odluka konacna i ne odnosi se samo na rad u
Komisiji, vec sam vam na raspolaganju za sve
vrste asistencije za koje smatrate da mogu dati
doprinos.

Srdacab pozdrav, Armin Čavrk

Gledajte Savez općina i gradova
Federacije Bosne i Hercegovine na



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način pružamo informacije o održanim sjednicama organa i tijela Saveza, konferencijama, seminarima, radionicama, okruglim stolovima, javnim raspravama, projektnim aktivnostima i sl.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba; ili putem popunjavanja forme na našoj web stranici.

Molimo vas da informacije o našem biltenu prosljedite svima u vašoj i susjednim JLS i drugim zainteresiranim.

Ukoliko želite da objavite neke od vaših novosti, iskoristite bilten Saveza koji je brz i efikasan način komuniciranja.

Sa zadovoljstvom očekujemo vaše komentare, sugestije ili primjedbe.